



Trg pravde 10, 76100 Brčko distrikt Bosne i Hercegovine; tel: 049/219-075; fax: 049/219-070; e-pošta: kppbd@kppbd.ba

Трг правде 10, 76100 Брчко дистрикт Босне и Херцеговине; тел: 049/219-075; факс: 049/219-070; е-пошта: kppbd@kppbd.ba

Broj: Ku-65/25
Brčko, 11. 03. 2025. godine

IZVJEŠTAJ O RADU

Kancelarije za pravnu pomoć
Brčko distrikta BiH
za period 01. 01. - 31. 12. 2024. godine

UVODNE NAPOMENE

Shodno odredbi člana 47 Zakona o Kancelariji za pravnu pomoć Brčko distrikta BiH („Službeni glasnik Brčko distrikta BiH“, brojevi: 19/07 i 23/19) Kancelarija za pravnu pomoć Brčko distrikta BiH (u daljnjem tekstu: Kancelarija) dostavlja Izvještaj o radu za 2024. godinu Pravosudnoj komisiji Brčko distrikta BiH i Skupštini Brčko distrikta BiH.

Prema glavi V Statuta Brčko distrikta BiH, Kancelarija je nezavisna institucija odgovorna za pružanje pravnih savjeta i zastupanje građana Brčko distrikta BiH slabog imovnog stanja u krivičnim i parničnim predmetima.

Nadležnost Kancelarije propisana je članom 7 Zakona o Kancelariji za pravnu pomoć Brčko distrikta BiH. Shodno tome, Kancelarija je odgovorna za pružanje pravnih savjeta i zastupanje građana Distrikta slabog imovnog stanja i preduzima sve radnje pred Osnovnim sudom Brčko distrikta, Apelacionim sudom Brčko distrikta i Tužilaštvom Brčko distrikta. Kancelarija preduzima sve radnje i učestvuje u svim fazama postupka do pravosnažnog okončanja postupka.

Kancelarija zastupa građane Distrikta slabog imovnog stanja u:

- krivičnom,
- prekršajnom,
- parničnom,
- vanparničnom,
- izvršnom,
- upravnom i
- drugim postupcima propisanim posebnim zakonima.

Pored zastupanja građana u navedenim postupcima Kancelarija pruža strankama usmene savjete o svim pravima i obavezama, pomoć u popunjavanju obrazaca, i pravnu pomoć u popunjavanju svih vrsta pismena.

U svom radu Kancelarija primjenjuje sve materijalne i procesne zakone Brčko distrikta BiH.

Rješenje o angažovanju Kancelarije za zastupanje pred Tužilaštvom i Sudom donosi u krivičnom postupku predsjednik Osnovnog suda, sudija ili vijeće u skladu sa Zakonom o krivičnom postupku Brčko distrikta BiH, a u parničnom i drugim postupcima predsjednik Osnovnog suda po proceduri propisanoj Zakonom o Kancelariji za pravnu pomoć Brčko distrikta BiH ili posebnim propisima. O zahtjevu za ostvarivanje pravne pomoći u upravnom postupku odlučuje direktor Kancelarije.

Kancelarija vrši i druge poslove propisane posebnim zakonima.

Pored 11 zaposlenih, u toku 2024. godine u Kancelariji je radio 1 pripravnik i 1 pripravnik - volonter koji su sticali radno iskustvo radi obavljanja pripravničkog staža diplomiranog pravnika.

Kancelarija svojim radom omogućava građanima Brčko distrikta pravo na pravično suđenje i jednak pristup pravdi pred sudovima Brčko distrikta, a što je u skladu sa Statutom Brčko distrikta, Evropskom konvencijom o ljudskim pravima i Zakonom o Kancelariji za pravnu pomoć Brčko distrikta BiH.


POSLOVI I ZADACI

U toku izvještajnog perioda (01.01. – 31.12.2024. godine) Kancelarija je imala u radu 965 predmeta, a od toga:

- krivičnih..... 309
- prekršajnih..... 72
- parničnih216
- vanparničnih 42
- izvršnih 81
- upravnih..... 9
- predmeti Vijeća za izlaganje ... 236

Grafikon broj 1

Predmeti u radu za 2024.godinu



U Kancelariji nije izvršena specijalizacija advokata, tako da svi advokati vrše zastupanja kako u krivičnim, prekršajnim, parničnim, vanparničnim, izvršnim, upravnim i drugim predmetima. Radeći na ovaj način, u izvještajnom periodu postizan je kvalitetan rad u svim predmetima.

Grafikon broj 2

Predmeti primljeni u 2024. godini




Tabela broj 1. Izvještaj o broju predmeta

Vrsta predmeta	Preneseni predmeti iz ranijih godina	Primljeni predmeti u 2024. godini	Predmeti u radu za 2024. godinu	Završeni predmeti u 2024. godini
Krivični predmeti	166	143	309	111
Prekršajni predmeti	10	62	72	58
Parnični predmeti	110	106	216	100
Vanparnični predmeti	28	14	42	14
Izvršni predmeti	65	16	81	15
Upravni predmeti	2	7	9	9
Predmeti Vijeća za izlaganje	208	28	236	56
Ukupno	589	376	965	363
Usmeni savjeti			1.680	

Tabela broj 2. Izvještaj o broju predmeta i usmenih savjeta s poređenjem iz prethodne godine

Advokat	Predmeti u radu		Završeni predmeti		Izdati nalozi za istražitelja		Usmeni savjeti	
	2023.	2024.	2023.	2024.	2023.	2024.	2023.	2024.
UKUPNO:	1.122	965	535	363	106	54	1.554	1.680
	smanjenje predmeta u radu u 2024. godini za 14 %		smanjenje završenih predmeta u 2024. godini za 32 %		smanjenje naloga za istražitelja u 2024. godini za 49 %		povećanje usmenih savjeta u 2024. godini za 8 %	

KRIVIČNI PREDMETI

Uloga odbrane u krivičnim predmetima je vrlo složena i odgovorna s obzirom da ista podrazumijeva provođenje vlastite istrage.

Vlastita istraga odbrane je obavezna prema članu 50 Zakona o krivičnom postupku Brčko distrikta BiH, koja odredba upućuje branioca da preduzme sve neophodne radnje u cilju utvrđivanja činjenica, prikupljanja dokaza koji idu u korist osumnjičenog odnosno optuženog kao i zaštite njihovih prava.

Istragom odbrane rukovodi advokat koji je zadužen za konkretni predmet a istražitelj Kancelarije postupa po konkretnim nalogima advokata.

Krivični predmeti u radu Kancelarije u 2024. godini su iz sljedećih kategorija krivičnih djela: krivična djela protiv imovine, krivična djela protiv zdravlja ljudi, krivična djela protiv života i tijela, krivična djela protiv braka porodice i omladine, krivična djela protiv slobode i prava čovjeka i građanina, krivična djela protiv spolne slobode i morala, krivična djela protiv privrede poslovanja i sigurnosti platnog prometa, krivična djela iz oblasti poreza, krivična djela protiv okoliša, poljoprivrede i privrednih dobara, krivična djela protiv opće sigurnosti ljudi i imovine, krivična djela protiv sigurnosti javnog saobraćaja, krivična djela protiv Pravosuđa, krivična djela protiv javnog reda i pravnog saobraćaja i krivična djela podmićivanja i krivična djela protiv službene i druge odgovorne dužnosti.

U strukturi krivičnih predmeta najbrojniji predmeti u radu Kancelarije u 2024. godini su iz kategorije krivičnih djela protiv imovine (154 predmeta), iz kategorije krivičnih djela protiv zdravlja ljudi (32 predmeta), iz kategorije krivičnih djela protiv slobode i prava čovjeka i građanina (22 predmeta), iz kategorije krivičnih djela protiv spolne slobode i morala (20 predmeta), iz kategorije krivičnih djela protiv života i tijela (20 predmeta) te iz kategorije krivičnih djela protiv braka, porodice i omladine (15 predmeta).

Manje brojni predmeti su iz sljedećih kategorija: iz kategorije krivičnih djela protiv javnog reda i pravnog saobraćaja (11 predmeta), iz kategorije krivičnih djela protiv okoliša, poljoprivrede i privrednih dobara (5 predmeta), iz kategorije krivičnih djela protiv pravosuđa (5 predmeta), iz kategorije krivičnih djela protiv sigurnosti javnog saobraćaja (5 predmeta), iz kategorije krivičnih djela podmićivanja i krivičnih djela protiv službene i odgovorne dužnosti (4 predmeta), iz kategorije krivičnih djela protiv privrede poslovanja i sigurnosti platnog prometa (4 predmeta), iz kategorije krivičnih djela iz oblasti poreza (3 predmeta), te iz kategorije krivičnih djela protiv opšte sigurnosti ljudi i imovine (1 predmet).

Kancelarija je u izvještajnom periodu imala u radu 30 predmeta u kojima je postupak vođen protiv maloljetnih lica. U strukturi krivičnih predmeta u kojima je Kancelarija postupala, također su najbrojniji maloljetnički predmeti iz kategorije krivičnih djela protiv imovine i krivičnih djela protiv života i tijela.

U periodu od 01.01 do 31.12.2024. godine Kancelarija je zaprimila 143 novih krivičnih predmeta, dok je 166 predmeta preneseno iz ranijih godina, tako da je Kancelarija imala u radu ukupno 309 krivičnih predmeta.

U 2024. godini završeno je 111 krivičnih predmeta.

STRUKTURA KRIVIČNIH PREDMETA U RADU U 2024. GODINI

Glava	Naziv krivičnog djela	član KZ BD BiH	br. predm. prenesenih iz ranijih godina	br. predm. prim. u 2024.
16	ubistvo	163.	1	1
16	teška tjelesna povreda	169.	2	4
16	laka tjelesna povreda	170.	9	3
17	protivpravno oduzimanje slobode	176.	0	1
17	otmica	177.	3	0
17	ugrožavanje sigurnosti	180.	4	3
17	narušavanje nepovredivosti doma	181.	0	1
17	povreda slobode odlučivanja birača	192.	0	10

19	silovanje	200.	1	1
19	spolni odnos s nemoćnom osobom	201.	1	0
19	bludne radnje	205.	0	1
19	trgovina ljudima	207.	1	2
19	spolni odnos s djetetom mlađim od 15 godina	207d	0	1
19	zadovoljavanje spolnih strasti pred djetetom	207g	0	1
19	spolni odnos s djetetom, iskorištavanje djeteta ili maloljetnika radi pornografije	208.	7	4
20	vanbračna zajednica s maloljetnikom ili djetetom	213.	0	1
20	zapuštanje ili zlostavljanje djeteta ili maloljetnika	216.	1	1
20	nasilje u porodici	218.	5	7
21	neovlaštena proizvodnja i stavljanje u promet opojnih droga	232.	20	9
21	omogućavanje uživanja opojnih droga	233.	3	0
22	prevara u privrednom poslovanju	245.	1	0
22	falsifikovanje kreditnih i ostalih kartica bezgotovinskog plaćanja	251.	0	1
22	nedozvoljena trgovina	261.	1	1
23	porezna utaja	267.	2	1
25	krađa	280.	26	29
25	teška krađa	281.	34	29
25	razbojništvo	283.	4	4
25	utaja	284.	3	1
25	oštećenje tuđe stvari	287.	9	5
25	prevara	288.	2	5
25	iznuda	289.	2	0
25	paljevina	295.	1	0
26	šumska krađa	310.	5	0
27	izazivanje opšte opasnosti	317.	1	0
28	ugrožavanje javnog saobraćaja	326.	1	3
28	teška krivična djela protiv sigurnosti javnog saobraćaja	330.	0	1
29	organizovani kriminal	336.	3	0
29	lažno prijavljivanje	341.	1	0
29	sprečavanje dokazivanja	343.	0	1
30	napad na službeno lice u vršenju dužnosti	353.	1	0
30	nasilničko ponašanje	356.	0	2
30	skidanje ili povreda službenog pečata	360.	1	2
30	nedozvoljeno držanje oružja ili eksplozivnih tvari	365.	2	1
30	falsifikovanje isprave	367.	1	1
31	primanje dara i drugih oblika koristi	374.	1	0
31	zloupotreba položaja ili ovlasti	377.	1	0
31	pronevjera	378.	2	0
	krijumčarenje lica	Čl.189. KZ BiH	1	0
	krivotvorenje novca	Čl.205. KZ BiH	0	1
	neovlaštena nabavka, držanje ili prodaja oružja ili bitnih dijelova za oružje	Čl.65. Zakona o oružju i municiji	0	1
	savjetnik svjedoku	Čl. 84.	2	1

		ZKP-a		
	ratni zločin protiv civilnog stanovništva	120. KZ RH	0	1
UKUPNO			166	143

PREKRŠAJNI PREDMETI

U izvještajnom periodu Kancelarija je zastupala u 72 prekršajna predmeta. Od toga je 62 predmeta zaprimljeno u 2024. godini a 10 predmeta je preneseno iz ranijih godina. U 2024. godini završeno je 58 prekršajnih predmeta.

STRUKTURA PREKRŠAJNIH PREDMETA U RADU U 2024. GODINI

OBLAST	PREKRŠAJ	br. predmeta prenesenih iz ranijih godina	br. predmeta primljenih u 2024.
Javni red i mir	član 4 Zakon o javnom redu i miru	1	2
	član 5	2	6
	član 6	0	1
	član 10	0	1
Sigurnost javnog saobraćaja	član 40 ZOBSNP	0	1
	član 51	1	0
	član 99	1	16
	član 102	0	1
	član 184	2	14
	članovi 184 i 207	1	0
	član 207	1	2
	članovi 207 i 99	0	10
	član 211	0	3
Zakon o šumama	član 55	1	0
Zakon o računovodstvu i reviziji BD BiH	član 45	0	1
Zakon o mirnom okupljanju BD BiH	član 21	0	1
Zakon o zaštiti od nasilja u porodici BD BiH	član 5	0	1
Zakon o oružju i municiji	član 31	0	2
UKUPNO		10	62

PARNIČNI PREDMETI

U parničnim predmetima se raspravlja o stvarnopravnim odnosima (utvrđivanje prava vlasništva i drugih stvarnih prava i dr.), zatim o obligacionim odnosima (naknada štete, sticanje bez osnova, dug zbog neizmirenih ugovornih obaveza i dr.), porodičnim odnosima, radno-pravnim odnosima i drugim pravnim osnovama.

U parničnim predmetima Kancelarija je vršila zastupanja u 216 predmeta, od toga je 106 predmeta zaprimljeno u 2024. godini a 110 predmeta je preneseno iz ranijih godina.

U 2024. godini završeno je 100 parničnih predmeta.

STRUKTURA PARNIČNIH PREDMETA U RADU U 2024. GODINI

PRAVNI OSNOV	broj predmeta prenesenih iz ranijih godina	broj predmeta zaprimljenih u 2024. godini
izdržavanje	2	1
izmjena odluke o povjeri djece	3	4
povjera mlđb. djece	11	12
razvod braka	20	25
razvod braka s povjerom djece	3	11
razvod braka s povjerom djece i izdržavanje	9	20
razvod braka i izdržavanje bračnog partnera	1	0
poništenje ugovora	1	0
utvrđenje udjela u bračnoj tekovini	16	7
predaja u posjed nekretnina	3	1
utvrđenje	3	0
raskid ugovora	8	1
naknada štete	3	4
isplata	2	4
dug	10	4
utvrđivanje prava vlasništva	4	2
služnost prolaza	1	0
izdvajanje udjela bračne tekovine iz ostavinske mase	1	0
utvrđenje postojanja prava stvarne služnosti	1	0
utvrđenje nužnog dijela	1	0
iseljenje	1	0
upravni spor	2	1
priznanja prava naslijeđa	1	0
dokazivanje postojanja vanbračne zajednice života	1	2
izmjena odluke o izdržavanju djeteta	1	3
utvrđivanje očinstva	1	1
poništenje sudske nagodbe	0	1
izmjena odluke o supružničkom izdržavanju	0	1
brisanje upisa i uknjižbe	0	1
UKUPNO	110	106

VANPARNIČNI PREDMETI

U izvještajnom periodu Kancelarija je zastupala u 42 vanparnična predmeta. Od toga je 14 predmeta zaprimljeno u 2024. godini a 28 predmeta preneseno je iz ranijih godina.

U strukturi vanparničnih predmeta najbrojniji predmeti su: uređenja međe, dokazivanje smrti, proglašenje nestalog lica umrlim, zadržavanje duševnog bolesnog lica u zdravstvenoj ustanovi, ispravka upisa te dozvola za stupanje u brak prije punoljetstva.

U 2024. godini završeno je 14 vanparničnih predmeta.

IZVRŠNI PREDMETI

U izvještajnom periodu Kancelarija je zastupala u 81 izvršnom predmetu.

Od toga je 16 predmeta zaprimljeno u 2024. godini, a 65 predmeta preneseno je iz ranijih godina.

U 2024. godini završeno je 15 izvršnih predmeta.

UPRAVNI PREDMETI

U izvještajnom periodu Kancelarija je postupala u 9 upravnih predmeta. Od toga je 7 predmeta zaprimljeno u 2024. godini, a 2 predmeta su prenesena iz ranijih godina.

U 2024. godini završeno je 9 upravnih predmeta.

PREDMETI VIJEĆA ZA IZLAGANJE

Prema odredbi člana 233 stava 1 Zakona o registru zemljišta i prava na zemljištima Brčko distrikta BiH („Službeni glasnik Brčko distrikta BiH“ brojevi: 11/01, 1/03, 14/03,19/07 i 2/08), Vijeće za izlaganje podataka o nekretninama i utvrđivanju prava na zemljištu, licu čije je prebivalište odnosno boravište nepoznato a ne javi se radi učešća u postupku, zaključkom postavlja kao privremenog zastupnika advokata Kancelarije za pravnu pomoć.

U 2024. godini Kancelarija je angažovana u 236 predmeta, a od toga 28 predmeta su iz 2024. godine, a 208 predmeta su prenesena iz ranijih godina.

U 2024. godini završeno je 56 predmeta pred Vijećem za izlaganje podataka na nekretninama i utvrđivanju prava na zemljištu.

USMENI SAVJETI

Stručnim i kvalitetnim pravnim savjetom, odnosno blagovremenom prezentacijom stranci analize činjeničnog stanja i propisa smanjuju se neosnovana pokretanja parničnih postupaka, samim tim i troškovi postupka te opterećenost sudova.

Advokati Kancelarije svaki radni dan pružaju usmene savjete odnosno stručnu pomoć svim građanima Distrikta koji se obrate za pomoć, i pružanje iste nije uslovljeno lošim imovnim stanjem.

Pružanje usmenih savjeta obavlja se stručno i kvalitetno.

U izvještajnom periodu, u toku 2024. godine advokati Kancelarije pružili su 1680 usmenih savjeta. Veći dio savjeta odnosi se na probleme vezane za imovinu, razvod braka, podjelu bračne tekovine, izdržavanje, problemi oko nasljedstva, smetanja posjeda, savjete u vezi sa zaključenjem ugovora, prigovori na rješenja o izvršenju, kao i savjete iz svih ostalih oblasti prava.

VJEŠTAČENJA

Po Zakonu o Kancelariji za pravnu pomoć Kancelarija u svom radu tj. u zastupanju stranaka vrši angažovanje vještaka raznih struka.

U 2024. godini Kancelarija je na osnovu obavljenih vještačenja isplatila iznos od 4.602,00 KM.

AŽURNOST RADA

Što se tiče ažurnosti rada Kancelarije za pravnu pomoć, advokati predmet uzimaju u rad odmah nakon raspoređivanja istog, ali sam završetak istih predmeta ne zavisi od advokata nego od efikasnosti sudova i drugih okolnosti.

Advokati Kancelarije su u 2024. godini imali 766 zastupanja na sudu i ako se uzme da je u toku godine bio 251 radni dan, to znači da su advokati imali u prosjeku dnevno 3,05 zastupanja na sudu, te 6,7 usmena savjeta dnevno.

U krivičnim predmetima sporazumom o priznanju krivice završeno je 12 predmeta.

Kancelarija za pravnu pomoć je u 2024. godini izjavila 11 žalbi na presude u krivičnim predmetima, dok je na rješenje o određivanju ili produženju pritvora izjavljeno 7 žalbi, tako da je ukupno izjavljeno 18 žalbi u krivičnim predmetima.

U 2024. godini Kancelarija za pravnu pomoć je imala 7 oslobađajućih presuda u krivičnim predmetima.

Predmeti koji su okončani oslobađajućim presudama su iz kategorija krivičnih djela protiv imovine (4), protiv života i tijela (1), protiv opšte sigurnosti ljudi i imovine (1) te jedan predmet iz člana 65 Zakona o oružju i municiji u Brčko distriktu Bosne i Hercegovine.

Kancelarija za pravnu pomoć je u 2024. godini izjavila 4 žalbe u parničnim predmetima.

U Kancelariji je zaposlen istražitelj koji postupa po nalogu advokata prioriteto u krivičnim, parničnim kao i u drugim postupcima koji su u radu u Kancelariji radi prikupljanja dokaza i sprovođenja vlastite istrage. Rad istražitelja i advokata je timski rad koji doprinosi kvalitetnom zastupanju stranaka.

Istražitelj Kancelarije je u 2024. godini imao 54 naloga advokata po kojima je postupao.

Advokati Kancelarije prisustvovali su seminarima koje organizuju Centri za edukaciju RS i FBiH i Pravosudna komisija Brčko distrikta iz krivične i građanske oblasti.

Savjetovanju iz krivičnopravne oblasti, koje je održano u Neumu, prisustvovali su advokati Kancelarije, kao i Savjetovanju iz građanske oblasti koje je održano na Jahorini.

FINANSIJSKI IZVJEŠTAJ

Kancelarija za pravnu pomoć finansira se iz Budžeta Brčko distrikta BiH.

Planirani budžet Kancelarije za 2024. godinu iznosio je 771.625,55 KM, od toga je za bruto plate, doprinose i naknade zaposlenih 734.056,55 KM, a 37.569,00 KM za materijalne troškove.

Tabela br. 3. Izvršenje budžeta za 2024. godinu

Ekonomski kod	OPIS	Plan 2024	Izvršenje I-XII 2024	% realizacije
611100	Bruto plate	634.801,67	589.750,45	92,90
611200	Naknada troškova zaposlenih	71.920,00	42.318,69	58,84
611000	Ukupno plate i naknade	706.721,67	632.069,14	89,44
612000	Doprinosi poslodavca	27.334,88	26.565,93	97,19
613100	Putni troškovi	4.100,00	3.710,50	90,50
613300	Izdaci za komunalne usluge	4.920,00	2.721,16	55,31
613400	Nabavka materijala	7.000,00	3.459,06	49,42
613500	Prevoz i gorivo	2.000,00	940,18	47,01
613700	Izdaci za tekuće održavanje	2.900,00	1.875,82	64,68
613800	Osiguranje i bankarske usluge	2.650,00	1.406,70	53,08
613900	Ugovorene usluge	13.999,00	8.409,31	60,07
613000	Ukupno materijalni troškovi	37.569,00	22.522,73	59,95
600000	UKUPNO RASHODI	771.625,55	681.157,80	88,28

Tabela br. 4 Rekapitulacija troškova u predmetima Kancelarije.

Arhivirani predmeti u 2024. godini	Vrsta predmeta	Troškovnici po tarifi FBiH	Troškovnici po tarifi RS
111	krivični	136.152,00	92.420,00
58	prekršajni	19.060,00	17.520,00
100	parnični	140.685,00	103.460,00
14	vanparnični	16.170,00	13.000,00
15	izvršni	20.100,00	13.580,00

9	upravni	2.550,00	3.950,00
56	predmeti Vijeća za izlaganje	13.440,00	5.600,00
1.680	usmeni savjeti	50.400,00	33.600,00
	U K U P N O:	398.557,00	283.130,00

Advokati Kancelarije prije arhiviranja svakog predmeta imaju obavezu da obračunaju troškovnik po advokatskim tarifama Republike Srpske i Federacije BiH, a u svrhu ekonomskih pokazatelja.

PROGRAMSKA ORIJENTACIJA

U narednoj godini Kancelarija će svoje angažovanje usmjeriti na najkvalitetnija moguća zastupanja stranaka u svim vrstama postupaka.

Svi zaposleni maksimalno će se angažovati da u predviđenim rokovima izvrše postavljene zadatke, kao i do sada, te da na taj način pruže najviše moguće standarde u zaštiti prava stranaka koje zastupamo i kojima pružamo pravne savjete. Da bi odgovorili ovim programskim orijentacijama u cilju poboljšanja kvaliteta usluga koje pruža Kancelarija, kao i kontinuiranog praćenja novih izmjena postojećih propisa, kao i praćenja sudske prakse, advokati Kancelarije će se pored obavezne edukacije na krivičnopravnim i građanskim savjetovanjima organizovanim od strane Pravosudne komisije Brčko distrikta BiH i Centara za edukaciju Federacije Bosne i Hercegovine i Republike Srpske, dodatno educirati na seminarima specijalno organizovanim za davanje besplatne pravne pomoći, te drugim adekvatnim seminarima.

D i r e k t o r
Kancelarije za pravnu pomoć
Brčko distrikta BiH

Safet Pizović